

Na osnovu člana 7. Zakona o Budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15 i 104/16), a u vezi sa članom 15. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06), člana 42 Statuta općine Kalesija – Prečišćeni tekst ("Službeni glasnik općine Kalesija", broj: 10/07, 07/08, 10/11, 3/12 i 6/13), i člana 99. Poslovnika o radu Općinskog vijeća – Prečišćeni tekst ("Službeni glasnik općine Kalesija" broj: 06/08, 10/11 i 09/16), na prijedlog Općinskog načelnika, Općinsko vijeće Kalesija, na sjednici održanoj dana _____ 2018. godine, d o n o s i:

O D L U K U

o izvršenju Budžeta općine Kalesija za 2019. godinu

I OPŠTE ODREDBE

Član 1.
(Predmet)

Ovom odlukom uređuje se struktura prihoda i primitaka, rashoda i izdataka budžeta Općine Kalesija za 2019. godinu (u daljem tekstu Budžet), njegovo izvršavanje, prioriteta plaćanja, obim zaduživanja i garancije, upravljanje javnim dugom, prava i obaveze korisnika budžetskih sredstava, ovlašćenja Općinskog načelnika, općinskih službi i drugih organizacionih jedinica, kao i druga pitanja u izvršavanju budžeta za tekuću godinu.

Član 2.
(Pojam)

Budžet je procjena godišnjih prihoda i primitaka, te utvrđenih iznosa izdataka i drugih plaćanja općine, koji donosi Općinsko vijeće.

Budžet se odnosi na fiskalnu 2019. godinu, koja počinje 01. januara, a završava 31. decembra 2019. godine.

Član 3.
(Struktura budžeta)

Budžet se sastoji od općeg i posebnog dijela budžeta.
Opći dio Budžeta se sastoji od računa prihoda i rashoda.
Posebni dio Budžeta sastoji se od plana rashoda i izdataka budžetskih korisnika raspoređenih u tekuće i kapitalne projekte za tekuću budžetsku godinu.

Član 4.
(Budžetski korisnici)

Budžetski korisnici su općinske službe za upravu, općinske stručne i druge službe i općinsko pravobranilaštvo.

Član 5.
(Evidencije)

Transakcije svih prihoda i izdataka i poslovne aktivnosti iz budžeta evidentiraju se u Glavnoj i Pomoćnim knjigama budžeta.

Član 6.
(Uplata prihoda)

Svi javni prihodi i primici budžeta, uključujući i prihode koje korisnici budžeta ostvaruju obavljanjem osnovne djelatnosti po posebnim propisima, uplaćuju se na račun depozitni račun Općine Kalesija i iskazuju po izvorima iz kojih potiču.

Prihodi ostvareni po osnovu Zakona o građevinskom zemljištu ("Službene novine FBiH", broj: 25/03, 16/04 i 67/05) uplaćuju se i evidentiraju na posebnom računu Sredstva za uređenje gradskog građevinskog zemljišta i koriste za uređenje gradskog građevinskog zemljišta, a prikazani su u budžetu za 2019.godinu kao Kapitalni izdaci posebnog računa.

Prihodi ostvareni po osnovu Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“ broj: 29/03, 22/06 i 43/10), evidentiraju se na posebnom transakcijskom računu i koriste se u skladu sa Odlukom o uslovima i načinu korištenju sredstava po osnovu posebne naknade za zaštitu od prirodnih i drugih nesreća („Službene novine FBiH“, broj: 4/12 i 80/13).

Prihodi ostvareni po osnovu naknade za izgradnju skloništa u skladu sa Zakonom o zaštiti i spašavanju u FBiH („Službene novine FBiH“, broj:39/03, 22/06 i 43/10), evidentiraju se na posebnom računu i koriste se za izgradnju i održavanje javnih skloništa, u skladu s dugoročnim programima i godišnjim planovima za izgradnju skloništa.

II- IZVRŠAVANJE BUDŽETA

Član 7.
(Sredstva za budžetske korisnike)

Sredstva budžeta koriste se za finansiranje izdataka iz nadležnosti općinskih službi za upravu, stručnih službi, javnih ustanova i ostalih čije je finansiranje iz budžeta predviđeno posebnim propisom.

Sredstva budžeta osiguravaju se budžetskim korisnicima koji su u posebnom dijelu budžeta određeni za nosioce sredstava po pojedinim pozicijama.

Korisnici koriste budžetska sredstva samo za namjene koje su određene budžetom, i to do visine utvrđene u njegovom posebnom dijelu.

Član 8.

(Neplanirana namjenska sredstva budžetskih korisnika)

(1) Donacije, grantovi i namjenski transferi uplaćeni na depozitni račun Općine Kalesija, a koji nisu planirani u budžetu Općine Kalesija, usmjeravaju se u budžet za fiskalnu godinu na osnovu odluke općinskog Načelnika, na prijedlog Službe za privredu i budžet, a u skladu sa zahtjevom budžetskog korisnika.

Član 9.

(Odgovornost za prikupljanje prihoda)

Budžetski korisnici odgovorni su za potpuno i pravovremeno prikupljanje i uplaćivanje na depozitni račun Općine Kalesija prihoda budžeta, namjenskih sredstava i vlastitih prihoda iz svoje nadležnosti.

Budžetski korisnici odgovorni su za zakonitost, svrsishodnost, efikasnost i ekonomičnost raspolaganja budžetskim sredstvima.

Član 10.

(Prioriteti izvršavanja budžeta)

Budžet se izvršava u skladu sa njegovim likvidnim mogućnostima po slijedećim prioritetima:

1. otplata duga i kamata,
2. plaće i naknade zaposlenih,
3. plaćanje obaveza po sudskim presudama,
4. grantovi za jednokratne pomoći u oblasti socijalne i boračko invalidske zaštite,
5. materijalni i drugi troškovi neophodni za rad općinskih službi za upravu,
6. naknade za rad u Općinskom vijeću i radnim tijelima Općinskog vijeća,
7. tekući izdaci za komunalnu infrastrukturu,
8. kapitalni izdaci za komunalnu infrastrukturu i
9. ostalo

Član 11.

(Javne nabavke)

Postupak nabavke roba, usluga i ustupanja radova mora se obavljati u skladu sa Zakonom o javnim nabavkama BiH ("Službeni glasnik.BiH", broj: 39/14).

Član 12.

(Tekuća rezerva)

Hitni i nepredviđeni izdaci koji se pojave u toku budžetske godine podmiruju se iz sredstava Tekuće rezerve utvrđene u budžetu.

O korištenju sredstva Tekuće rezerve, odlučuje Načelnik, na prijedlog nadležne službe.

Budžetsko izdvajanje za Tekuću rezervu ne smije preći 3% ukupnih prihoda, isključujući primitke.

Ako se tokom godine, na osnovu zakona ili drugih propisa poveća nadležnost korisnika, što zahtijeva povećana sredstva, ili se osnuje novi korisnik, sredstva za njegove troškove mogu se osigurati iz Tekuće rezerve budžeta, a odobrava ih Načelnik.

Ako se tokom godine, na osnovu zakona ili drugih propisa umanja nadležnost korisnika, što zahtijeva smanjenje sredstva, ili se korisnik ukine, neutrošena sredstva za njegove troškove prenose se u Tekuću rezervu budžeta ili na korisnika koji preuzme njegove poslove.

Služba za privredu i budžet obavezna je tromjesečno izvještavati Načelnika o korištenju sredstva Tekuće rezerve.

Načelnik polugodišnje izvještava Općinsko vijeće o korištenju sredstva Tekuće rezerve.

Član 13.

(Preraspodjela sredstava)

Načelnik može na prijedlog budžetskog korisnika, donijeti odluku o prestrukturiranju rashoda u okviru ukupnog iznosa odobrenog za budžetskog korisnika, a najviše do 10% ukupno odobrenih rashoda za budžetskog korisnika.

U okviru odobrenog budžeta, preraspodjela sredstava iznimno je dozvoljena između budžetskih korisnika.

O preraspodjeli iz predhodnog stava odlučuje Načelnik.

Član 14.

(Povrat više ili pogrešno uplaćenih prihoda)

Povrat pogrešno ili više uplaćenih javnih prihoda u tekućoj godini vrši se sa računa javnih prihoda(depozitnog računa) iz tekućeg priliva korisnika prihoda, a povrat prihoda koji nisu uplaćeni u tekućoj godini vrši se transakcijskog računa općine, u skladu sa odredbama važećeg Pravilnika .

III – REALIZACIJA SREDSTAVA BUDŽETA

Član 15.

(Sredstva za rad općinskog vijeća Kalesija)

Sredstva utvrđena za isplate naknade vijećnicima, predsjednicima i članovima komisija i kolegija Općinskog vijeća isplaćivat će se na osnovu Odluke o naknadama vijećnicima, koji prisustvuju sjednicama Općinskog vijeća Kalesija, predsjednicima i članovima komisija i kolegija za prisustvo sjednicama radnih tijela Općinskog vijeća ("Službeni glasnik općine Kalesija",br: 4/07).

Raspodjela sredstva za finansiranje političkih stranaka i nezavisnih kandidata zastupljenih u Općinskom vijeću, a koja su iskazana su u Posebnom dijelu Budžeta u okviru razdjela "2 Općinski načelnik" vršit će se u skladu sa Odlukom o Budžetu općine Kalesija za 2019.godinu.

Član 16.
(Plaće i naknade troškova zaposlenih)

Sredstva utvrđena u budžetu za plaće i naknade, isplaćuju se u skladu sa vežećom Odlukom o plaćama i naknadama izabраниh dužnosnika i uposlenika organa uprave općine Kalesija i Pravilnika o plaćama i naknadama izabраниh dužnosnika i uposlenika organa uprave općine Kalesija.

Član 17.
(Raspoređivanje sredstava)

Sredstva utvrđena u razdjelu "2 Općinski načelnik" i razdjelu "5 Služba za opću upravu i društvene djelatnosti" Tekući transferi na pojedine korisnike raspoređit će Općinski načelnik i to:

- Grantove Mjesnim zajednicama na osnovu plana raspodjele nadležne službe,
- Sportskim udruženjima iznos od 150.000,00 raspoređit će se na osnovu kriterija usvojenih od strane Općinskog vijeća, 50.000.00KM za posebno uspješne klubove i pojedince na osnovu odluke Općinskog načelnika, 15.000,00 za OK“Bosna“Kalesija posredstvom općinskog sportskog saveza.
- Grantove pojedincima putem nadležnih službi za upravu, a na osnovu kriterija općinskog načelnika ukoliko ne postoji drugi propis donesen od strane Općinskog vijeća.

Član 18.

Sredstva utvrđena za realizaciju "Grantova neprofitnim organizacijama" općine Kalesija, koriste se prema pravilniku o utvrđivanju kriterija, mjerila i postupaka dodjele sredstava za sufinansiranje Programa neprofitnih organizacija koji je usvojilo Općinsko vijeće, a sredstva za finansiranje organizacija i udruženja proizašlih iz rata na osnovu plana raspodjele Općinskog načelnika.

Član 19.

Sredstva za Kapitalne grantove drugim nivoima vlasti utvrđena u Posebnom dijelu Budžeta u okviru razdjela "2 Općinski načelnik", realizovat će se putem nadležnih službi za upravu, a na osnovu kriterija Općinskog načelnika ukoliko ne postoji drugi akt donesen od Općinskog vijeća.

Član 20.

Visina dnevnica za službena putovanja za sve korisnike koji se finansiraju iz sredstava Budžeta određuju se odlukom Općinskog načelnika, a uskladu sa Uredbom o naknadama troškova za službena putovanja ("Službene novine Federacije BiH";br: 44/16 i 50/16) i Odluci o visini dnevnica za službeno putovanje za budžetske korisnike u Federaciji BiH ("Službene novine Federacije BiH",broj 50/07, 10/08 i 16/09).

Član 21.

Sredstva utvrđena u Budžetu za isplatu naknada za rad stručnih komisija za tehnički prijem objekata, isplaćuju se na osnovu važeće Odluke o visini naknade komisiji za tehnički pregled objekata.

Član 22.

Sredstva za podršku razvoju poljoprivrede realizovat će se putem nadležne službe za upravu, a na osnovu odluke o kriterijima za podsticaj u poljoprivrednoj proizvodnji za 2019.godinu koju usvaja Općinsko vijeće.

Član 23.

Sredstva na poziciji podrška zapošljavanju u tekstilnoj, drvnoj i metaloprerađivačkoj industriji realizovat će se putem nadležne službe a na osnovu sporazuma između razvojnog programa ujedinjenih nacija i općine Kalesija o implementaciji projekta općinskog okolišnog i ekonomskog upravljanja kada je UNDP partner u implementaciji.

Član 24.

Sredstva na pozicijama:sufinansiranje prevoza djece, izdaci za nagrađivanje učenika završnih razreda osnovnih škola i kućna njega i pomoć starim licima bez porodičnog staranja realizovat će se putem nadležne službe za upravu, a na osnovu odluke o kriterijima koje donosi općinski načelnik, ukoliko ne postoji akt donešen od strane općinskog vijeća.

Član 25.

Sredstva na poziciji sufinansiranje Hes i službe hitne pomoći realizovat će se putem nadležne službe, a u skladu sa Zakonom o zdravstvenoj zaštiti u FBiH(„Službene novine Federacije BiH broj.46/10) i Naredbom o standardima i normativima zdravstvene zaštite i obaveznog zdravstvenog osiguranja u Federaciji BiH(„SL.Novine Federacije BiH broj:82/14).

IV FINANSIJSKO IZVJEŠTAVANJE I REVIZIJA

Član 26.

(Izvještaji o izvršenju Budžeta)

Služba za privredu i budžet dužna je podnositi Općinskom načelniku tromjesečni, polugodišnji i devetomjesečni finansijaki izvještaj o izvršenju budžeta u roku od 30

dana po isteku obračunskog perioda, a godišnji izvještaj u roku od šest mjeseci od završetka fiskalne godine.

Služba za privredu i budžet dužna je dostaviti kvartalne izvještaje Općinskom načelniku i Ministarstvu finansija u roku od 20 dana po isteku obračunskog perioda, a za IV kvartal do 05.marta tekuće godine. Polugodišnji izvještaj dostavlja se i Općinskom vijeću u roku od 20 dana po isteku obračunskog perioda.

V ZADUŽIVANJE I UPRAVLJANJE DUGOM

Član 27. (Stvaranje obaveza)

Općina može stvoriti obaveze na osnovu zaduživanja ili izdavanja garancija O visini zaduživanja i garancijama odlučuje općinsko vijeće. Otplatu duga Općine predstavlja obavezu Općine.

Član 28. (Svrha zaduženja)

Općina Kalesija se može zadužiti u slijedeće svrhe:

za finansiranje kapitalnih investicija i posebnih programa odobrenih od Općinskog vijeća;
za plaćanje, na osnovu izdatih garancija Općine, u potpunosti ili djelimično u slučajevima kada zajmoprimac ne isplati svoje obaveze;
za finansiranje budžetskog deficita.

Član 29. (Svrhe izdavanja garancija)

Općina može izdati garanciju samo za finansiranje kapitalnih investicija, i samo pod uslovom da je pravna osoba koja je zajmoprimac sredstava pravna osoba čiji je većinski vlasnik Općina ili je pod nadzorom Općine.

VI RAČUNOVODSTVO I NADZOR BUDŽETA

Član 30. (Računovodstvena načela)

Budžetsko računovodstvo se zasniva na računovodstvenim načelima: tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja, te na međunarodnim računovodstvenim standardima za javni sektor.

Budžetsko računovodstvo se vodi po načelu dvojnog knjigovodstva i na računima kontnog plana budžeta

Član 31.

(Načelo modificiranog događaja)

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, to jest kada su uplaćeni na račun budžeta.

Rashodi i izdaci priznaju se u onom periodu kada je obaveza nastala za plaćanja.

VII JAVNOST I TRANSPARENTNOST BUDŽETA

Član 32.

(Objavljivanje dokumenata)

U cilju obavještanja javnosti o upravljanju javnim prihodima – Budžet, Dokument okvirnog budžeta, Odluka o izvršavanju budžeta i ostali dokumenti vezani za izvršavanje budžeta, objavljivat će se u Službenom glasniku Općine Kalesija, u skladu sa članom 100.Zakona o budžetima u FBiH.

Svi dokumenti iz stava 1.ovog člana, objavljivat će se i na internet stranici Općine Kalesija.

VIII PRELAZNE I ZAVRŠNE ODREDBE

Član 33.

(Primjena podzakonskih akata)

Na sva pitanja koja nisu regulisana ovom Odlukom, a tiču se načina izrade, donošenja, izvršavanja budžeta, zaduživanja, duga, računovodstva, nadzora i revizije budžeta, primjenjivat će se odredbe važećih zakona.

Član 34.

(Kaznene odredbe)

U slučaju nepoštovanja ove Odluke, primjenjivat će se odredbe člana 102. i 103.Zakona o budžetima u Federaciji Bosne i Hercegovine.

Član 35

(Stupanje na snagu).

Odluka stupa na snagu danom objavljivanja u “Službenom glasniku općine Kalesija”, a primjenjivat će se za fiskalnu 2019. godinu.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKO VIJEĆA

PREDSJEDAVAJUĆI VIJEĆA
Enes Idrizović

O B R A Z L O Ž E N J E

Pravni osnov za donošenje Odluke o izvršavanju budžeta Općine Kalesija za 2018.godinu je član 7. Zakona o budžetima u Federaciji Bosne i Hercegovine („Službene novine Federacije BiH“ broj:102/13, 9/14, 13/14, 08/15, 91/15, 102/15 i 104/16).

Ovom odlukom uređuje se struktura prihoda i primitaka, rashoda i izdataka budžeta Općine Kalesija za 2019.godinu (u daljem tekstu Budžet), njegovo izvršavanje, prioriteti plaćanja, obim zaduživanja i garancije, upravljanje javnim dugom, prava i obaveze korisnika budžetskih sredstava, ovlašćenja Općinskog načelnika, općinskih službi i drugih organizacionih jedinica, kao i druga pitanja u izvršavanju budžeta za tekuću godinu.

Ova odluka primjenivat će se za fiskalnu 2019.godinu.

OBRADIVAČ
SLUŽBA ZA PRIVREDU I BUDŽET